

FK/NK/HŠK _____ iz _____, (u daljnjem tekstu: Matični klub), ID broj: _____, kojeg zastupa _____

i

FK/NK/HŠK _____ iz _____, (u daljnjem tekstu: Ugovorni klub), ID broj: _____, kojeg zastupa _____

zajednički u daljem tekstu: Ugovorne strane, na osnovu člana 3. Pravilnika o saradnji klubova WWIN lige BiH i prvih liga NS FBiH i FS RS zaključuju sljedeći

U G O V O R O S A R A D N J I

Član 1.

(1) Matični i Ugovorni klub zaključuju ovaj ugovor u cilju međusobne saradnje i omogućavanja razvoja mladih igrača te postizanja što boljih sportskih rezultata.

(2) Ugovorne strane su saglasne da će se u potpunosti pridržavati odredaba Pravilnika o saradnji klubova WWIN lige BiH i prvih liga NS FBiH i FS RS te drugih važećih propisa nogometne/fudbalske organizacije BiH.

Član 2.

(1) Ovim ugovorom Matični klub se obavezuje da će omogućiti da njegovi registrovani igrači (u daljem tekstu: igrači), čija se lista (koji sadrži ime i prezime igrača, datum rođenja i ID broj) nalazi u prilogu ovog ugovora i čini njegov sastavni dio), nastupaju za seniorski tim Ugovornog kluba.

(2) Matični klub garantuje da su svi igrači dali pisanu saglasnost da nastupaju i treniraju za Ugovorni klub u skladu s Pravilnikom o saradnji klubova WWIN lige BiH i prvih liga NS FBiH i FS RS te ovim ugovorom.

Član 3.

(1) Ugovorne strane su saglasne da će se sporazumjeti koji igrač će nastupiti za koji klub u slučaju da oba kluba imaju utakmicu u okviru takmičenja u kojem nastupaju u isti dan.

(2) U slučaju nemogućnosti postizanja dogovora, Matični klub može bez pisanog pristanka Ugovornog kluba uvrstiti u svoj tim samo jednog igrača.

Član 4.

Ugovorne strane će međusobnim dogovorom rješavati sva pitanja u vezi treniranja igrača.

Član 5.

Matični klub ne može postavljati nikakve uslove u vezi sa nastupom igrača za Ugovorni klub.

Član 6.

(1) Sva prava iz ugovora zaključenog između igrača i Matičnog kluba igrač ostvaruje u Matičnom klubu te slijedom navedenog, Ugovorni klub ne preuzima nikakve novčane ili nenovčane obaveze prema igraču, osim troškova nastupa i treninga (putovanje, smještaj, sportska oprema).

(2) Ugovorne strane utvrđuju da Ugovorni klub u odnosu na bilo kojeg igrača, u odnosu na Matični klub, kao niti u odnosu na bilo koji drugi klub, nema nikakva prava na osnovu naknade za treniranje igrača, solidarne naknade, kao ni bilo kakva druga potraživanja, a što znači da se period treniranja igrača za vrijeme trajanja ovog ugovora treba smatrati isključivo na način da je isključivo Matični klub dao doprinos u razvoju i treniranju igrača.

Član 7.

Matični klub se obavezuje ovaj ugovor putem emaila dostaviti na pregled nadležnoj službi za verifikaciju ugovora NS/FS BiH i službi za verifikaciju ugovora nadležnog entitetskog saveza radi evidencije, i to najkasnije u roku od tri dana od dana zaključivanja ovog ugovora.

Član 8.

Ovaj ugovor se zaključuje u trajanju od _____ i traje do _____.

Član 9.

Ovaj ugovor prestaje istekom roka na koji je zaključen ili sporazumom.

Član 10.

Na pitanja koja nisu uređena ovim ugovorom primjenjuju se odredbe Pravilnika o saradnji klubova WWIN lige NS/FS BiH i prvih liga NS FBiH i FS RS, ostali propisi NS/FS BiH i nadležnog entitetskog saveza te supsidijarno odredbe Zakona o obligacionim odnosima.

Član 11.

Ugovorne strane se obavezuju da će sve eventualne sporove iz ovog ugovora rješavati mirnim putem, a u suprotnom, ugovaraju nadležnost komisije za status i transfer igrača NS FBiH ili FS RS u prvom stepenu i Komiteta za status igrača i transfere NS/FS BiH, po žalbi, u drugom stepenu.

Član 12.

(1) Ovaj ugovor stupa na snagu danom potpisivanja.

(2) Ugovorne strane su saglasne sa svim odredbama ovog ugovora, a u znak prihvatanja istog potpisuju ovaj ugovor.

(3) Ovaj je ugovor sastavljen u četiri jednaka primjerka, po dva za svaku ugovornu stranu.

U _____, _____

Matični klub

Ugovorni klub

Prilog: Lista igrača